

祝福兄弟的诗句

1.料因循误了，残毡拥雪，故人心眼。——张炎《解连环·孤雁》

2.
邂逅淇南，岁寒独在，故人襟抱。——王恽《水龙吟·送焦和之赴西夏行省》

3.
龟蒙连天五百里，流贼薄人据山趾。白日公行谁复何，寡人之妻孤人子。数道分兵屡合围，崛强冲突心甘死。绿衣绣夹红裹头，手剑锋鋸来仳仳。贼势陆梁金鼓微，军声震撼旌旗靡。早北已败扬将军，兄弟二人化血水。青州盐徒与贼通，千金卖却今如此。青草茫茫白骨寒，可怜尔命如虫蚁。诸军奔散似云崩，解铠挥戈无寸矢。天昏地黑少人声，尚有归魂哭战垒。——王讴《龟山战歌》

4.
二华兄弟行，弟能如乃兄。与兄金兰采，见弟宁无情。今将总相背，欲说谁解听。仆夫往晨炊，孤立难自胜。高树方掩冉，幽泉亦珑玲。携之以西还，云尽秋冥冥。——王履《至罗纹桥卖酒家作早餐所止与少华相对》

5.
兄弟半年别，相寻屡梦寐。书言春当来，旦暮劳占计。马足已到门，远盼犹天际。宜欢不暇欢，交零涕与泗。须发似曩时，齿缺声音异。喟然感岁华，宁复堪远离。——刘荣嗣《家兄至》

6.
东风挟弹小城春，游骑飞缰不动尘。道上相逢休借问，卫家兄弟霍家亲。——李东阳《题赵仲穆挟弹图》

7.
病就山中隐，烽催海上舟。连城新鬼哭，深壁大臣羞。赤管缠金火，炎风污马牛。遥占女兄弟，先已下长洲。——王逢《常州江阴再失无锡告警病中自鸿山将迁海上》
8.
外家人物盛东南，古已云然岂独今。兄弟长怀未多识，江湖乃得话同心。岂知行日还先我，更枉长吟写意深。别后相思回首处，山哀浦思有余音。——赵蕃《次韵萧之沈弟》
9.
算阴晴，浑似几番，渭城故人离会。——吴文英《永遇乐·乙巳中秋风雨》
- 10.相逢秋月满，更值夜萤飞。——王绩《秋夜喜遇王处士》
- 11.正是江南好风景，落花时节又逢君。——杜甫《江南逢李龟年》
12.
晦庵贻我书满纸，为说君家好兄弟。人言是公轻许可，我谓亲仁乃渠事。客游偶尔过君庐，中有诚斋榜怡字。斯人许可盖不轻，何事斋名契于季。嗟余夙昔两公游，与君常恨风马牛。何知一见辱倾盖，四海兄弟宁待求。有弟有弟江南州，尺书断绝安与不。因君使我增离忧，一夜梦逐沧波鸥。——赵蕃《题刘炳先兄弟怡斋》
13.
骅骝不惜换舟行，人到归时意气生。五马未来迎使节，四弦何事作离声。焚黄此去荣归里，垂老相看老兄弟。来岁北来如访我，寄书频到利陵城。——张舜民《送孙积中兄待次吴兴》
14.
二十年来万事同，今朝歧路忽西东。皇恩若许归田去，晚岁当为临舍翁。——柳宗元《重别梦得》

15.

浮云一别后，流水十年间。——韦应物《淮上喜会梁川故人/淮上喜会梁州故人》

16.

故人西辞黄鹤楼，烟花三月下扬州。——李白《黄鹤楼送孟浩然之广陵》

17.

不能十日不相闻，兄弟相看讵可分。此后恐无能好我，从前虽有不如君。尊前吐胆销为雪，石上题诗化作云。地下怜才应更少，如逢旧好莫论文。——秦镐《哭李大元镇二首》

18.

七郎堂下渡船开，岂料今晨又再来。吴水越山看未足，未妨兄弟与衔杯。——赵蕃《再来江下示成父》

19.

鸣雁萧萧下，寒灯故故明。角声传细雨，云色渡高城。兄弟无书信，乾坤有甲兵。秋风归未得，见尔不无情。——韩邦靖《闻雁》

20.芳草已云暮，故人殊未来。——韦庄《章台夜思》

21.

不才明主弃，多病故人疏。——孟浩然《岁暮归南山/归故园作/归终南山》

22.江南无所有，聊赠一枝春。——陆凯《赠范晔诗》

23.

移沙取石贮轻舟，清冷何曾似宦游。春雪歌成辞郢里，梅花落尽别扬州。东风自护桓公树，明月谁登庾信楼。兄弟凋残知己别，枇杷门外泪交流。——袁中道《别须水部日华还朝》

24.古路无行客，寒山独见君。——刘长卿《碧涧别墅喜皇甫侍御相访》

25.

夕雪洒虚堂，禅身懒下床。楮衾清不暖，蜡烛冷无光。宿鸟争枝响，寒花上路香。南山有兄弟，岁晚不能忘。——止庵法师《雪夜思南山禅友》

26.

渭城朝雨浥轻尘，客舍青青柳色新。劝君更尽一杯酒，西出阳关无故人。——王维《渭城曲/送元二使安西》

27.感此怀故人，中宵劳梦想。——孟浩然《夏日南亭怀辛大》

28.还与去年人，共藉西湖草。——苏轼《卜算子·感旧》

29.

金城良犊不当车，特为人间作好酥。余湏尚供肥犊子，小匳先入太官厨。邺中鹿尾空名目，吴地莼羹谩僻迂。欲比君家好兄弟，不积压谁可作醍醐。——周邦彦《天启惠酥》

30.

风萧萧兮易水寒，壮士一去兮不复还。探虎穴兮入蛟宫，仰天呼气兮成白虹。——荆轲《渡易水歌》

31.

云深山坞，烟冷江皋，人生未易相逢。——吴文英《声声慢·友人以梅兰瑞香水仙供客曰四香分韵得风字》

32.

我寄愁心与明月，随风直到夜郎西。——李白《闻王昌龄左迁龙标遥有此寄》

33.

花开酒美盍不归，来看南山冷翠微。忆弟泪如云不散，望乡心与雁南飞

。明年纵健人应老，昨日追欢意正违。不问秋风强吹帽，秦人不笑楚人讷。——苏轼《壬寅重九不预会独游普门寺僧阁有怀子由》

34.

长安故人别後，料征鸿声里，画阑凭徧。——王月山《齐天乐·夜来疏雨鸣金井》

35.

寂寥西窗久坐，故人慳会遇，同翦灯语。——吴文英《齐天乐·与冯深居登禹陵》

36.

一门和气只春知，笑语何殊膝下嬉。不觉兄弟俱老大，此心犹道是儿时。——张辑《春风堂》

37.

故人何在，水村山郭。——孙道绚《忆秦娥·季温老友归樵阳人来闲书因以为寄》

38.

日夕焚香拜斗南，愿君多寿且多男。戒言阿母传兄弟，只道官家法度严。——张凤翔《宫词》

39.故人在其下，尘土相逐蹴。——苏轼《送顿起》

40.故人宿茅宇，夕鸟栖杨园。——李白《之广陵宿常二南郭幽居》

41.

蓬头皴足谁家儿，满面尘埃双泪垂。爷娘弃我不待老，骨肉无人但兄嫂。两身一气不相知，陌路茫茫向谁道。清晨采薪日入归，残羹冷饭难充饥。欲言问兄兄不顾，嫂是他人更奚诉。人生一世为弟兄，同根自合同枯荣。爷娘在日曾眷恋，愿兄回看死人面。——刘基《孤儿行》

42.

李白乘舟将欲行，忽闻岸上踏歌声。桃花潭水三千尺，不及汪伦送我情。
。——李白《赠汪伦》

43.

故人早晚上高台。赠我江南春色、一枝梅。——舒亶《虞美人·寄公度》

44.

兄弟同登年亦同，羨君墨妙更文工。我惭潦倒头仍白，拟学韩豪一送穷。
。——喻良能《次韵李同年诚之见贻之什》

本文链接：<https://duanjuziku.com/duanjuzi/xlbr7kww8g.html>